



Macluumaadkan adiga ayaa laguugu talagalay haddii:

- ✓ aad kayar tahay da'da 18 sano jir
- ✓ aad la imaatay mid ama labadaada waalidba
- ✓ adiga iyo qoyskaaga aad codsateen magangelyo Latvia


Adiga iyo qoyskaaguba waxaad ku badqabtaan wadankan	3
Yaa ku caawin kara?	3
Maxaad adiga iyo qoyskaagu heli doontaan?	4
Xuquuqda helitaanka daryeelka caafimaad	6
Wargali shaqaalaha	7
Waa maxay qiimeynta waxa ugu wanaagsan ee laguu qaban karo?	8
Xuquuqda waxbarasho	8
Xuquuqda shaqo	9
Waraaqaahaaga magangelyo-doonka	9
Halkee ayaad adiga iyo qoyskaaguba joogi doontaan?	10
Maxaad samayn kartaa haddii qof si xun kuula dhaqmo?	11
Waa maxay waajibaadka adiga iyo qoyskaagu la idinka rabo markaad heshaan soo dhawayn?	12
Maxaa dhacaya haddii adiga iyo qoyskaagu aydin u hogaansami waydaan waajibaadyadiinna?	13
Xeerarka ku saabsan codsashada imangangelyada caalamiga ah iyo u safridawaddamada EU+	14
MAXAA DHACAYA HADDII ADIGA IYO QOYSKAAGA AAD U BAXSATAAN MID KA MID AH WADDAMADA KALE?	15
Yaa idin caawin kara adiga iyo qoyskaagu haddii aydaan ku qanacsanayn go'aan ay gaareen maamulka?	16
Maxaa dhaca haddii qaar ka mid ah taageerada la beddelo?	16
Faahfaahinta halka lagala xidhiidhayo	17

➤ ADIGA IYO QOYSKAAGUBA WAAD KU BADQABTAAN wadankaN

Adiga iyo qoyskaaga waxaad u sheegteen maamulka in aadan dib ugu laaban karin waddankiinna sababtoo ah waxaad gali kartaan khatar, isla markaana waxaad codsateen magangelyo. Adiga iyo qoyskaaguba waxaad magangeliyo doon kutihiin Latvia.

➤ YAA KU CAAWIN KARA?

Yurub gudaheeda, qof kasta oo ka yar 18 sano waxaa loo tixgeliyaa inuu yahay carruur, wuxuuna xaq u leeyahay in la siiyo **taageero gaar ah**.



Intaad ku sugan tahay wadanka, shaqaalahan soo socda ayaa ku caawin kara, tusaale ahaan:

- **Shaqale bulsho ama lataliye** wuxuu kaa caawin doonaa adiga iyo qoyskaaga baahiyihiina maalinlaha ah ama wuxuu la xidhiidhi doontaa shaqaale kale oo kaa caawin kara dhibaato gaar ah.
- **Dhakhtar** ama **kalkaaliye** wuxuu ku caawin doonaa haddii aad dareento xanuun, aad dhaawacanto ama aad u baahan tahay nooc kasta oo kaalmo caafimaad ah.
- **Dhakhtarka maanka** wuxuu kaa caawin doonaa haddii aad dareento murugo, cadho, baqasho, welwel ama ay kugu adkaato hurdada.
- **Lataliye sharci** wuxuu kaa caawin doonaa adiga iyo qoyskaaga inaad fahamtaan waxa dhici kara inta lagu jiro habraaca magangalyada iyo haddii aad rumaysan tahay in xuquuqdaada aan la ixtiraamin.
- **Turjumaan** wuxuu kaa caawin doonaa inuu kugula xidhiidho luuqada aad fahmayso. Doorkoodu waxa weeye iney si sax u turjumaan waxa aad adiga ama dadka kale dhahdaan.

Miyay ku haystaan wax dhibaatooyin ah? Waxaad had iyo jeer weydiin kartaa shaqaalaha caawimo ama taageero haddaaad u baahato. Ha cabsan, dhibaatooyinka waa lawada xallin karaa.




MAXAAD ADIGA IYO QOYSKAAGU HELI DOONTAAN?

Adiga iyo qoyskaagu waxaad heli doontaan noocyo kala duwan oo taageero iyo adeegyo ah intaad sugaysaan inta maamulku baadhayo codsigiinna magangelyo. Tan waxa la dhahaa **soo dhawayn**.

Ka ilmo ahaan iyo magangalyo doone ahaanba, waxaad leedahay xuquuqo laakiin sidoo kale waxa jira waajibaad ku saaran oo ay tahay inaad ixtiraamto. Kuwan waxa lagu sharaxay buug-yarahan.

Haddii aanad fahmayn qaybaha buug-yarahan ama haddii aad qabto wax su'aal ah, weydii shaqaalaha Ilaalada Xuduudaha Dowladda iyo Xafiiska Arrimaha Jinsiyadda iyo Socdaalka iyo waalidkaagaba.



Inta aad ku sugan tihiin dalkaan, shaqaaluhu waxay idiin siin doonaan macluumaad dheeri ah iyadoo la eegayo xaaladdiinna. Waxaad weydiin kartaan su'aalo wakhti kasta.

Iyadoo la eegayo xaaladiina, adiga iyo qoyskaagu waxaad heli doontaan:



- goob aad seexataan



- cunto



- dhar



- agabka nadaafada gaarka ah



- Adiga iyo qoyskaagu waxaa laga yaabaa inaad sidoo kale heshaan lacag aad u isticmaashaan kharashaadka maalinlaha ah.

Waxaa lagu siin doonaa meel sariir ah, cunto, iyo agabka nadaafadda shakhsiga haddii aad ku nooshahay xarunta hoyga codsadayaasha magangelyada ee Xafiiska Arrimaha Jinsiyadda iyo Socdaalka. Adiga iyo waalidkaa waxaa la siin doonaa gunno maalinle ah.

Haddii loo baahdo, waxaa lagu siin doonaa dhar ku habboon xilliga sanadka.

XUQUUQDA DARYEEL CAAFIMAAD

Maamulku waxay hubin doonaan inaad heshay daryeelka caafimaad ee aad u baahan tahay.

Waxaad u sheegi kartaa qoyskaaga iyo shaqaalaha wixii dhibaato caafimaad ah ee aad qabto. Waxay kaa caawin karaan inaad aragto dhakhtar ama kalkaaliye haddii aad u baahan tahay.



Haddii dhakhtarku u arko inay lagama maarmaan tahay, wuxuu qori doonaa daawooyin iyo sidoo kale booqashooyin aad ku arki karto dhakhaatiirta takhasuska gaarka ah u leh.

Shaqaaluhu waxay kuu sheegi doonaan adiga iyo qoyskaaga haddii laga yaabo inaad raadsato baadhis caafimaad oo uu sameeyo dhakhtar ama kalkaaliye.

Waxa laga yaabaa inaad hubinta caafimaadkaaga oo ay ku siiyaan kaalmada daruuriga ah ee aad u baahan tahay.

Haddii aad la kulanto xaalad caafimaad oo u baahan gargaar degdeg ah ama dhaawac u baahan daaweyn degdeg ah, u sheeg waalidkaa ama shaqaalaha. Haddii aad ka maqan tahay goobta aad degan tahay, waxaad wici kartaa lambarka gurmada degdegga ah ee bilaashka ah 112.

➤ WARGALI SHAQAALHAAGA HADDII:



- aad dareemayso xanuun, dhaawacantay ama aad u baahan tahay gargaar caafimaad oo degdega ah ama daaweyn
- aad isticmaasho daroogo ama aad cabto maandooriye
- aad horey u soo martay dhibaato ama xadgudub, ama aad hadda la kulmeyso
- aad uur leedahay ama aad u malaynayso inaad uur leedahay
- aadan kaligaa socon karin, ama aad dhibaato ku qabto maqalka ama aragga
- aad uwalwalsan tahay, murugaysan tahay, seexan weydo ama aad waajahayso fikirro xun
- aad dareento inaanad ammaan ahayn ama aad ka baqayso qof, ha ahaado qof ajnabi ah ama qof aad taqaan
- lagugu qasbay ama lagugu qasbayo inaad samayso waxyaabo aadan rabin
- aad dareento inaanad badqabin sababtoo ah diintaada, qofka aad jeceshahay, sida aad u labisato ama u dhaqanto
- xubnaha qoyskaagu u baahan yihiin kaalmo.





WAA MAXAY QIIMEYNTA WAXA UGU WANAAGSAN EE LAGUU QABAN KARO?



Tani waa hawl aad ku arki doonto saraakiil kale oo ku weydiin doona su'aalo si ay u

- u fahmo **baahiyahaaga**
- u go'aamiyo **taageerada** aad u baahan tahay.

Tani waxay ka caawin doontaa masuuliyiinta inay gaadhaan go'aanno muhiim ah, tusaale ahaan halka adiga iyo qoyskaaga aad degi doontaan.

Waad aamini kartaa kalkaaliyaha, dhakhtarka iyo shaqaalaha. Waxaad la wadaagi kartaa wax walba. Wax kasta oo aad sheegto lalama wadaagi doono cid kale marka laga reebo waalidkaa adigoon oggolaansho bixin. Kaliya waxa ka reeban marka noloshaada ama nolosha qof kale ay halis ku jirto.

Haddii aadan rabin in waalidkaa lagu wargeliyo ama ay ku lug yeeshaan, u sheeg saraakiisha arrintan.



XUQUUQDA WAXBARASHO



Ka ilmo ahaan waxaad xaq u leedahay waxbarasho iyo inaad wax dhigato. Haddii aad tagto dugsiga oo aad buuxiso 18 sano inta aad dhiganayso, waad sii wadan kartaa ilaa waxbarashadu kuu dhammaato.

Saraakiishu waxay kaa caawin doonaan adiga iyo qoyskaaga inaad codsataan iskuul. Waxay idinla socodsiin doonaan fursadda aad ku gali kartaan koorsooyin.

Shaqaaluhu waxay ku sheegi doonaan hawlaha waxbarasho iyo madadaalo si ay kaaga caawiyaan inaad barato, horumariso naftaada, isla markaana saaxiibo cusub sameysato.

XUQUUQDA SHAQO



Iyadoo ku xidhan da'daada iyo xaaladdaada, waxaa laga yaabaa in lagu oggolaado inaad ka shaqeeyso Latvia haddii aad rabto. Shaqaalaha Xafiiska Arrimaha Jinsiyadda iyo Socdaalka ayaa ku siin doona macluumaad dheeraad ah.

Xuquuqda shaqo ee Latvia waxaa lagu siiya saddex bilood gudahood laga bilaabo marka la diiwaangeliyo codsiga magangelyada, haddii aan weli lagu soo saarin go'aan lagu oggolaaday ama lagu diiday xaaladda qaxooti ama xaalad kale oo beddel ah, isla markaana aad heshay dukumeentiga aqoonsiga codsadaha magangelyada.



Dhammaan wiilasha iyo gabdhaha ka yar da'da 15 sano looma oggola inay shaqeeyaan (kiisas gaar ah mooyee, waxaa loo oggolaan karaa inay shaqeeyaan laga bilaabo da'da 13 sano).

DHUKUMANTIGAAGA MAGANGELYO-DOONKA



Waalidkaaga waxay heli doonaan dukumentiga shaqsi ah oo ay ku qoran yihiin magacaaga, magaca qoyskaaga, iyo sawirkaaga.

Tani waxay muujinaysaa inaad magangalyo raadiye ka tahay wadankan. Dukumentigan waa in aad mar walba sidataa.

Dukumentigan waxaa loo yaqaan dukumentiga aqoonsiga codsadaha magangalyada.



HALKEE AYAAD ADIGA IYO QOYSKAAGUBA JOOGI DOONTAAN?

Meesha aad deganaandoontaan inta maamulku baadhayaan codsigiinna magangelyo waxay ku xidhan tahay xaaladdiinna.



Shaqaalaha ayaa idinku wargalin doona **halka aad dhammaantiin joogi doontaan**, tusaale ahaan hoy, magaalo ama gobol gaar ah.

Tani waxay ku xidhnaan kartaa goobaha la heli karo ama baahiyaha qoyskaaga.

Haddii qoyskaagu rabo inuu ka baxo goobta hoyga ama uu magaalada/degmada kamaqnaado muddo gaaban, waa inay ka codsadaan oggolaanshaha maamulka.

Adiga iyo qoyskaaga waxaad heli doontaan taageero iyo adeegyo kaliya goobta ay u asteeyeen maamulka.

Marar aad u yar, waxaa dhici karta in qoysaska la dejiyo xarun aysan si xor ah uga bixi karin ama ugu laaban karin sida ay doonaan. Haddii aad ku sugan tihiin xaaladdan, lataliye sharci iyo shaqaaluhu way idin caawin doonaan.

Meel kasta oo aaddeggan tihiin, waxaad xaq u leedihiin inaad heshaan:



- la joog qoyskaaga



- Hel caawimaad si aad u raadiso xubnaha qoyskaaga, haddii aadan garanayn meesha ay joogaan.

Waxaad xaq u leedahay inaad badqabto. Qofna looma ogola inuu:



ku cabsi galiyo



ku caayo



ku dhibaateeyo

Ha noqoto cidday doonaan, qof aad garanayso iyo mid aanad garanaynba. Haddii aad wax dhibaato ah kala kulanto waalidka ama shaqaalaha, waad hadli kartaa oo codkaaga dhiiban kartaa.




MAXAAD SAMAYN KARTAA HADDII QOF SI XUN KUULA DHAQMO?



Waxaad arrintan kala hadli kartaa qof aad ku kalsoon tahay, xubin qoyskaaga ka tirsan, ama sarkaal ka tirsan Ilaalada Xuduudaha ee Dawladda ama Xafiiska Muwaadinimada iyo Arrimaha Socdaalka.

Haddii qof si xun kuu la dhaqmo, waxaad u sheegi kartaa ama uga warbixin kartaa **Khadka Caawinta Carruurta iyo Dhalinyarada 116111** si looga hortago in ay mar kale dhacdo. Tan waxa loo yaqaanaa 'samaynta cabasho'.



Fiiro gaar ah!

Haddii aad ka maqan tahay goobta aad deggen tahay oo aad ku sugan tahay khatar, waxaad ka wici kartaa lambarka degdegga ah ee qaranka ee bilaashka ah 112 adigoo adeegsanaya taleefan kasta.



WAA MAXAY WAAJIBAADKA ADIGA IYO QOYSKAAGU LA IDINKA RABO MARKAAD HESHAAN SOO DHAWAYN?

Waa muhiim inaad sheegto runta oo aad la shaqeyso maamulka, xitaa haddii mararka qaar ay cabsi iyo dhibaato kugu noqoto inaad sheekadaada sheegto.

Shaqaaluhu way ku caawin karaan haddii ay ogyihiin xaaladaada.



Meel kasta oo aad adiga iyo qoyskaagu ku sugan tihiin, waxa jira sharciyo la raaco. Tusaale ahaan, waa inaad ixtiraamtaa dadka kale ee deggen iyo saraakiisha, mana aha inaad buuq samayso xilliyada degganaanshaha

Shaqaaluhu waxay sharraxi doonaan xeerarka iyo cawaaqibta ka dhalanaysa marka xeerarka la raaci waayo.

Waa muhiim in adiga iyo qoyskaaguba:

- ✔ Raacdaan xeerarka goobta aad joogi doontaan;
- ✔ la shaqee mas'uuliyiinta oo raac tilmaamahooda;
- ✔ ixtiraam dadka kale ee degan, saraakiisha iyo dadka kale;
- ✔ u sheeg Ilaalada Xuduudaha ee Qaranka iyo Xafiiska Arrimaha Jinsiyadda iyo Socdaalka cinwaankaaga hadda iyo macluumaadkaaga xiriirka (lambarka telefoonka, ciwaanka e-mailka) iyo wixii isbeddel ah, si ay ula soo xiriiri karaan wakhti kasta;
- ✗ haka baxsan goobta ay maamulku idiin sheegeen inaad joogtaan
- ✔ raaca shuruucda dalkan, oo shaqaaluhu idiin sharixi doonaan.



MAXAA DHACAYA HADDII ADIGA IYO QOYSKAAGU AYDIN U HOGAANSAMI WAYDAAN WAAJIBAADYADIINNA?



Haddii ay tani dhacdo, waxaad si furan ula hadli kartaan Ilaalada Xuduudaha ee Qaranka iyo Xafiiska Arrimaha Jinsiyadda iyo Socdaalka iyo sababaha aad u sheegaysaan.

Maamulku waxay qiimeyn doonaan xaaladda waxayna wargelin doonaan waalidkaa haddii ay go'aansadaan inay qaadaan tallaabooyin.



Tusaale ahaan, haddii xubin qoyskaaga ka mid ah uu ka baxo goobta hoyga, magaalada, ama degmada ay maamulku go'aamiyeen in qoyskaga la dejiyo, **xubintaas qoyska waxaa laga yaabaa inay hesho taageero ka yar intii hore.**



Haddii xubin ka mid ah qoyskaaga uu dhaqmo si rabshad leh, **xubintaas qoyska waxaa laga yaabaa inay lumiyaan taageerada ay helayaan.** Booliska ayaa la wici karaa.

Adiga iyo qoyskaaga waxaad hadda ku sugan tihiin Latvia, kasoo ah waddan katirsan EU+.

Waddamada EU+ waa:



27 Dal ee Xubnaha ka ah Midowga Yurub (EU): Austria, Belgium, Bulgaria, Croatia, Cyprus, Czechia, Denmark, Estonia, Finland, France, Germany, Greece, Hungary, Italy, Latvia, Lithuania, Luxembourg, Malta, Netherlands, Poland, Portugal, Republic of Ireland, Romania, Slovakia, Slovenia, Spain, Sweden iyo



4 waddan oo kale: Iceland, Liechtenstein, Norway iyo Switzerland.



XEERARKA KU SAABSAN CODSASHADA ILAALINTA CAALAMIGA AH IYO U SAFARKA WADDAMADA EU+

Shaqaalaha Ilaalada Xuduudaha ee Qaranka iyo Xafiiska Arrimaha Jinsiyadda iyo Socdaalka. waxay kuu sharixi doonaan sharciyadan muhiimka ah adiga iyo qoyskaaga. Waxaad weydiin kartaan iyaga su'aalo wakhti kasta.

- ✔ Adiga iyo qoyskaagu waa inaad joogtaan Latvia oo waa inaad u baxsan mid kamid ah waddamada EU+.
- ✔ Haddii uu qoyskaagu ku sugan yahay mid ka mid ah waddamadan, maamulku waxay idiin sheegi doonaan xuquuqdiinna ku saabsan isu keenista qoyska. Haka iska baxsan uun.




Waxaa laga yaabaa inaad ka fikirtaan ka bixitaanka dalkaas ama qaar ka mid ah dadka ayaa isku dayi doona inay idinku qanciyaan inaad ka carartaan. Tani waxay noqon kartaa mid khatar idinku ah. Adiga iyo qoyskaagu waxaad la hadli kartaan shaqaalaha Ilaalada Xuduudaha ee Qaranka iyo Xafiiska Arrimaha Jinsiyadda iyo Socdaalka oo kuu sharixi doona xaaladda. Shaqaalaha Xafiiska Arrimaha Jinsiyadda iyo Socdaalka ayaa idinla tallin doona.

- ✘ Haddii aad baxsataan, waxay jiri doontaa cawaaqib xun, kuwaas oo lagu sharaxay buug-yarahan. Tusaale ahaan, waxaad ka heli doontaan taageero yar oo soo-dhawayn ah wadanka kale.
- ✔ Xasuusnow, waa inaad ka diiwaangelisaan codsigiina magangelyo wadanka EU+ ee ugu horreeyay ee aad timaadeen, haddii maamulku aanu idiin sheegin wax kale.
- ✔ Kaliya mid kamid ah waddamadan ayaa ka masuul ah inuu baadho codsigiina magangalyo. Maamulka Latvia ayaa kuu sheegi doona waddanka ka mas'uulka ah arrintan.

Waxaad ku baran doontaan habraacyadan buug-yarayaal gooni ah.



MAXAA DHACAYA HADDII ADIGA IYO QOYSKAAGA AAD U BAXSATAAN MID KA MID AH WADDAMADA KALE?



Latvia:

- Habraaciina magangalyo doonka waa la joojin doonaa.

Inta aad joogtaan wadanka kale ee EU+ ah:

- Maamulku waxay go'aansan karaan inay idinku celiyaan wadanka EU+ ee aad kasoo tagteen.

Laga bilaabo marka maamulku idinku wargeliyaan go'aanka lagu celinayo, waxaad waayi doontaan xuquuqo qaarkood, tusaale ahaan:

- ma heli doontaan noocyo kamid ah taageerada oo
- laguuma ogolaan doono inaad shaqayso.



YAA IDIN CAAWIN KARA ADIGA IYO QOYSKAAGA HADDII AYNDAAAN KU QANACSANAYN GO'AANKA AY GAREEN MAAMULKU?



Waxaad caawimo weydiisan kartaan lataliyaha sharci. Lataliye sharci waa qof yaqaan shuruucda dalkaas, kaasoo daraasayn kara xaaladdiinna oo idinka caawin kara.

Shaqaaluhu waxay idiin sheegi doonaan ururada aan dawliga ahayn kuwaasoo sidoo kale ku siin kara macluumaad iyo caawimaad.



Waxaad la xidhiidhi kartaan Hay'adda Qaxootiga Qaramada Midoobay (UNHCR) wakhti kasta. UNHCR waxay ilaalisaa dadka lagu qasbay inay ka tagaan dalkooda.



MAXAA DHACA HADDII QAAR KA MID AH TAAGEERADA LA BEDDELO?

Haddii Xafiiska Muwaadinimada iyo Arrimaha Socdaalka uu go'aamiyo in la xaddido ama la joojiyo noocyo ka mid ah taageerada uu helo xubin qoyska ka tirsan sababo la xiriira xaaladda lagu sharxay bogga 13, xubin taas qoyska ka tirsan weli waxay heli doontaa taageero ku salaysan xaaladdiisa gaarka ah iyo baahiyihiisa. Wali wuxuu helayaa inuu awood u yeesho inuu la kulmo dhakhtar ama kalkaaliye, inuu helo kaalmo caafimaad, waxoogaa taageero ah iyo goob uu seexo oo ay go'aamiyeen maamulku.



Marka maamulku go'aansadaan inay joojiyaan taageerada soo dhawaynta ee adiga iyo qoyskaaga la siinayay sababtoo ah aad u baxsateen waddan kale oo EU+ ah, nooca taageerada aad heli doontaan weli waxay ku xidhnaan doontaa xaaladdiinna iyo baahiyihiina.

Wali waxaad awood u lahaan doontaa inaad tagto dugsi.

FAAHFAAHINTA HALKA LAGALA XIDHIIDHAYO

Haddii adiga iyo qoyskaagu aad qabtaan wax su'aalo ah ama aad u baahan tihiin taageero inta lagu jiro joogistiina, waxaad la hadli kartaan shaqaalaha ka tirsan:

maamulka soo dhawaynta

Ilaalada Xuduudaha ee Qaranka

Ciwaanka: Rūdolfa iela 5, Riga

tel.: +371 67913300

e-mail: pasts@rs.gov.lv

<https://www.rs.gov.lv/>

Xafiiska Arrimaha Jinsiyadda iyo Socdaalka

Ciwaanka: Čiekurkalna 1. līnija 1, k-3, Riga

tel.: +371 67209400

e-mail: pasts@pmlp.gov.lv

<https://www.pmlp.gov.lv/>

Waxaad sidoo kale la xidhiidhi kartaan ururadan, si aad u hesho su'aalaha la xidhiidha:

taageerada caafimaad



Adeegga Caafimaadka Qaranka

Ciwaanka: Cēsu iela 31 k-3, entrance 6, Riga

tel.: +371 80001234

e-mail: nvd@vmnvd.gov.lv

<https://www.vmnvd.gov.lv>

taageerada bulsheedka



Khadka Caawinta Carruurta iyo Dhallinyarada 116111

Waxa uu bixiya taageero nafsi ah oo loogu talagalay carruurta iyo dhallinyarada, sidoo kalena wuxuu bixiyaa gargaar xaaladaha degdegga ah.

ilaalinta carruurta



Xarunta Ilaalinta Carruurta

Ciwaanka: Ventspils iela 53, Riga,

tel.: +371 67359128

E-mail: pasts@bac.gov.lv

<https://www.bac.gov.lv>

Khadka Caawinta Carruurta iyo Dhallinyarada 116111

Waxa uu bixiya taageero nafsi ah oo loogu talagalay carruurta iyo dhallinyarada, sidoo kalena wuxuu bixiyaa gargaar xaaladaha degdegga ah.

khadka caawinta carruurta khatarka ku jirta



Haddii aad dareento dayac ama inaad ku jirto khatar waxaad wici kartaa 119 si bilaash ah.

Haddii walaalkaa, walaashaa, ama saaxiibkaa uu maqan yahay, waxaad wici kartaa [Khadka bilaashka ah 116 000 - Carruurta Maqan ee Yurub Joogta.](#)

latalin sharci, kaalmada iyo matalaada



Maamulka Maxkamadaha

CiCiwaanka: Antonijas iela 6, Riga

tel.: +371 67063800

e-mail: pasts@ta.gov.lv

<https://www.ta.gov.lv/>

Hay'adda Qaxootiga Qaramada Midoobay (UNHCR)

waxay ilaalisaa danaha iyo xuquuqda magangelyo-doonayaasha iyo qaxootiga.



UNHCR (Hay'adda Qaramada Midoobay u qaabilsan Qaxootiga)

Ciwaanka: Antonijas iela 9, Riga

tel.: +46 10 101 28 00

e-mail: swest@unhcr.org,

<https://www.unhcr.org/>

Aasaaska Isdhexgalka Bulshada – Adeeg Hal- joogsi

Aasaaska Isdhexgalka Bulshada – Adeeg Hal-joogsi

Ciwaanka:

Raiņa bulvāris 15, Riga, tel.: +371 26959706

Rožu iela 6, Liepāja, tel.: +371 22811020

Ģimnāzijas iela 11, Daugavpils, tel.: +371 29557630

<https://livelatvia.lv/>

Xarunta Xuquuqda Aadanaha ee Latvia

Ciwaanka: Alberta iela 13, Riga

tel.: +371 67039290

e-mail: office@humanrights.org.lv

<https://cilvektiesibas.org.lv/>

Haddii aad la kulanto xaalad caafimaad oo degdeg ah oo aad khatar ku jirto, isla markiiba u sheeg waalidkaaga iyo shaqaalaha. Way ku caawin doonaan!

Haddii ay dhacdo in adiga ama qoyskaagu idinkoo jooga meel ka baxsan halka aad degan tihiin oo aad shil la kulantaan ama aad halis gashaan, waxaad wici kartaan lambarkan gargaarka degdega ah/lambaradan gargaarka degdega ah si bilaash ah:



gargaarka caafimaad ee degdega ah booliska: 112



Buug-yarahaan waxa loogu talagalay keliya ujeeddooyin macluumaad ah. Isagu ma abuuru xuquuq iyo waajibaad midna. Wakaalada Midowga Yurub ee Magangalyada (EUAA) ayaa soo diyaarisay qaybta ugu weyn ee qoraalkan, waxaana EUAA oo keliya u oggolaan kara in la daabaco ama wax laga beddelo buug-yarahan, taas oo loogu talagalay dalalka xubnaha ka ah Midowga Yurub. EUAA mas'uul kama aha saxnaanta, nuxurka, dhammaystirka, sharcinimada ama kalsoonida macluumaadka ku jira buug-yarahan ee ay ku dareen dalalka xubnaha ka ah Midowga Yurub ama cid kale oo mas'uul ah. EUAA iyo cid u shaqaysa toona mas'uul kama aha sida loo adeegsan karo macluumaadka ku jira buug-yarahan.